

P. 516, L. 1【**如是人等**】《法華經演義》卷 5：「此乃總結上之四種。則為說法者。若國王來時。則為其說法。使轉其權勢以為善護。邪外來時。則為其說法。使轉邪以歸正。轉外以成內。兇戲來時。則為其說法。使轉其散亂以成定心。屠畜來時。則為其說法。使轉其殺心以成其生機。故如上四種之人。若時來者。當為說法也。此正由菩薩能以妙智歷之。觀權勢即善護。乃至觀殺心即生機。故為其說法之時。自能轉權勢以成善護。乃至自能轉殺心以成生機也。此則彼來親近乃當如是。若夫菩薩則一向須遠。不當因彼之親近而亦親近之。故雖說法而內則無所希望。以遠之也。」(X33,p.215,c24-p.216,a10)

P. 516, L. 4【**遠二乘眾**】《法華經授手》卷 7：「第五遠二乘。恐生懈怠也。道岸宜登。取法必上。其人安于小乘。其心必無大志。良非法侶也。于斯不遠。志氣漸流懈怠。此謗之所以來也。故次戒焉。天台云。二乘之人。沉滯空寂。不能發菩提心。故須遠離也。妙樂云。近二乘人。令人遠菩提故。西域三乘人不雜處。故云或來。既未受大化。不妨順其小志而說。故云隨宜說法。而亦不可有心希求也。」(X32,p.749,b22-c4)大乘梵網戒中有「輕垢罪」：「背大向小戒」一違背大乘經律，反而受持小乘、外道之經律。「不得邪僻教他戒」一應教化外道、惡人等，使其受持大乘教律。「不習學佛戒」一不學習佛教正法，反而學習異學外道之教法、儀則等，即已違背出離之要道。

P. 516, L. -6【**遠欲想**】《法華經演義》卷 5：「此中重稱文殊。復言又菩薩者。蓋上之五種。初心始行。遠之為易。此下五種。遠之又難。又上之五種。固當所遠者。若此下之五種。猶為初心之所當遠者。故鄭重其語而重稱文殊。復言菩薩耳。能生欲想相者。謂女人之相能生人之欲想者。故言能生欲想相。菩薩若為女人說法。不應取其相而為說也。亦不樂見者。但見亦不妨。不得樂見耳。」(X33,p.216,a21-b3)《法華經句解》卷 5：「**小女**即年幼者。**處女**即是在室大童女也。**寡女**即喪其夫守寡之者。與之共語。事涉譏嫌。況為誘調。恐生重過。」(X30,p.558,a1-3)《法華經知音》卷 5：「不於女身生欲想相。則淨說法之端也。亦不樂見下。則絕其生欲想之端也。…又不樂見則眼淨。老子云。不見可欲使心不亂也。不共語。則口業淨。皆戒絕淫端也。」(X31,p.432,a20-b2)《法華經科註》卷 5：「阿含經云。有一異學問薄拘羅。汝於正法中曾行欲事否？答云：莫作是語。我八十年未曾起欲想。未曾視女人面。未曾入尼房。未曾與尼相問訊。乃至道路中。亦不與共語。今之弘法者。觀斯龜鑑。可不慎之哉。」(X31,p.278,a10-14)

P. 516, L. -2【**遠不男**】《法華經句解》卷 5：「由宿惡業。雖得人身。諸根不

具。言五種者：一生。謂生下來男根不具。二鍵。謂鍵去外腎。三妬。謂見他行欲。心妬色故。身分方勇。四變。謂或時變轉。男女不定。五半。謂上半月男。下半月女。由形不正。故號不男。斯等之人。性多雜染。無丈夫操。故誠勿近。與之親厚。自害道心。」(X30,p.558,a4-10)《法華經科註》卷7：「亦有五種不女。謂螺、筋、鼓、角、脈。又不男者。彼名般吒。此翻黃門。黃門者。有男女形。不能男女事。」(X30,p.780,b18-19)「黃門」：1.宦者，太監。因東漢黃門令、中黃門諸官，皆為宦者充任，故稱。2.謂男子不育。

P. 517, L. 6【不獨入他家】《法華經大窾》卷5：「不獨入者。防嫌疑之口也。一心念佛者。作尊重之想也。」(X31,p.780,c18-20)《法華經通義》卷5：「不獨入他家。防譏嫌邪染。恐失正念也。」(X31,p.569,a16)《法華經授手》卷7：「此第八遠危害。以謹誤失也。俗不宜入。入豈容獨。倘彼因獨而縱情甚便。此亦因獨而忌憚不生。惡因成矣。于斯不慎。難免偶悞之失。此謗之所以來也。故次戒焉。要解云。不獨入。欲潔身也。但念佛。欲正心也。」(X32,p.750,a2-6)《法華經指掌疏》卷5：「不獨入他家者。既無上座。又無闍黎。恐有失意。及遭幻術。故不應也。因緣須獨入者。或施主願力。或闍黎差遣。一心念佛者。對治散亂。及左右顧視等弊故。」(X33,p.629,b19-22)《法華經演義》卷5：「一心念佛者。非同於尋常念彌陀佛也。謂當念我是如來使、如來所遣、行如來事者。又念佛。出世之意。唯欲令一切眾生。開佛知見。當體佛之意而弘此經。令得皆開佛之知見也。」(X33,p.216,b8-11)

P. 517, L. 8【遠譏嫌】《法華經大窾》卷5：「不露齒笑，不現胸臆者。無褻狎之儀也。即使為法來者。亦不應親厚。況以他事因緣而親近哉。」(X31,p.780,c20-21)《彌沙塞部和醯五分律》卷20：「有諸比丘不著僧祇支入聚落，露現胸臆，諸女人見，笑弄。諸比丘以是白佛，佛言：「不應爾！入聚落應著僧祇支，犯者突吉羅！」」(T22,p.138,b12-15)「僧祇支」：譯為覆腋衣、掩腋衣，掩腋之襯衣。為一長方形內衣，著於袈裟之下，從左肩纏至右腋之下，覆左肩，掩兩腋，左開右合，長裁過腰。～《中華佛教百科全書》

P. 518, L. 1【但以正慧而遠離之】《法華文句記》卷9〈釋安樂行品〉：「言非持刀杖等者，今明圓行，對所辱境處中而說，不同凡夫刀杖自防，亦非二乘棄捨不觀；雖復正行，須遠其事，以十八空觀其能所，豈同凡小若棄若防。」(T34,p.319,b14-18)「如是十法，諸教皆然，但離二乘，諸教小異。今弘圓經，須屬圓人。此當因緣、約教兩釋，但闕本迹。若欲立者，本離十種二邊境界，迹示離此十種惱耳。」(p.319,c7-11)

P. 518, L. -3【五法中欲】「五法」即是《小止觀》「廿五方便」中之「行五法」，乃五科（具五緣、訶五欲、棄五蓋、調五事、行五法）中之第五。此五：(1)欲，欲離世間一切之妄想顛倒，欲得一切諸禪定智慧門。(2)精進，堅持禁戒，棄「五蓋」，於初中後夜勤行精進。(3)念，念世間欺誑之輕賤與念禪定智慧之貴重。(4)巧慧，籌量世間樂與出世間禪定智慧樂，二者間之得失輕重。(5)一心，念慧分明，明見世間之可患可惡，善識定慧之可尊可貴。若以船譬喻此五法，則巧慧如船頭，一心如船舵，餘三者如篙槳，若缺一法，則即使於安穩之水道亦難行進。～《佛光大辭典》

P. 518, L. -3【中道實相禪法】《法界次第》卷下，將「禪定」分為世間禪、出世間禪、出世間上上禪。世間禪是根本四禪、四無量心、四無色定，為凡夫所行之禪。出世間禪為二乘之共禪，出世間上上禪為菩薩之不共禪。故此「中道實相禪法」即是依中道、實相而行之出世間上上禪法；亦即是法華三昧、念佛三昧、般舟三昧、首楞嚴三昧等諸大三昧。此諸三昧，定慧等持、止觀不二。

P. 518, L. -2【五緣】(1)持戒清淨：謂諸禪定及滅苦智慧皆由戒而生，故清淨持戒，不敢有犯。(2)衣食具足：謂衣法有三，若多寒國土及忍力未成者，三衣之外許畜百一等物。又，食法有四，即：常住深山，草果隨時得而資身；在阿蘭若處，受檀越送食；常行頭陀乞食之法；僧中如法結淨食。(3)閒居靜處：謂依止無憤鬧處。有上中下三等，即：深山遠谷；頭陀抖擻；蘭若伽藍閑靜之寺。(4)息諸緣務：謂息治生有為之緣務，絕人事交際之緣務，屏工巧技術之緣務，廢聽學讀誦之緣務。(5)近善知識：謂親近外護善知識、同行善知識、教授善知識，受其教，蒙其勸發。～《中華佛教百科全書》

P. 518, L. -2【訶五欲、棄五蓋、調五事】(1)訶五欲：謂訶斥色、聲、香、味、觸等五境。五境本非欲，但於其中有貪愛味著，能令行者引生欲心，牽入魔境，故稱五欲而訶斥之。此五欲境之過患，色如熱鐵丸，執之則燒；聲如塗毒鼓，聞之必死；香如慙龍之氣，嗅之則病；味如沸蜜湯、蜜塗刀，舐之則傷；觸如臥獅子，近之則嚙。此五欲得之無厭足，惡心轉熾，如火益薪，世世為害甚於盜賊，無始劫來，常相劫奪、摧摺色心，輪迴三道，永無止境，故應訶之、棄之。(2)棄五蓋：摒棄貪慾、瞋恚、睡眠、掉悔、疑等五蓋。此五種煩惱能蓋覆心神，令其昏闇，而不得開發定慧，故稱五蓋。(3)調五事：調節飲食、睡眠（此二屬外調）、身、息、心（此三乃入定時之內調）等五事。又稱調五法。調身：身之姿勢要正，使之不寬、不急。調息：遠離風、喘、氣三種不調之相，

使之不澀不滑。調心：調伏散亂、昏沈、沉沒，使其不沈不浮。～《佛光大辭典》

【掉悔】心之躁動謂「掉」，憂惱已作之事謂「悔」（悔即惡作），此二者能蓋覆禪定，不得開發，故當除棄。～《中華佛教百科全書》合掉舉、追悔（惡作）二煩惱為一蓋，又作「掉舉惡作蓋」、「掉戲蓋」。五蓋中僅此蓋與昏眠蓋（昏沈、睡眠）合二為一蓋，依《大毘婆沙論》卷四十八所說，係因二者之所食、能治、事用相同，即掉舉、惡作（悔）皆以四法（親里尋、國土尋、不死尋、念昔種種戲笑歡娛承奉等）為所食，均以奢摩他（止惡）為對治之法，故皆有令心不能寂靜之事用。～《佛光大辭典》

《法界次第初門》卷1：「邪心動念曰掉。退思憂悴為悔。若縱無明謬取。則戲論動掉心生。既所為乖失。退思則有憂悔也。」(T46,p.668,a24-26)梁肅《刪定止觀》卷1：「掉悔者。覺觀雜起。徧緣諸法。乍起乍伏。炎炎不息。身妄遊行。口妄談笑。掉而無悔則不成蓋。憂悔心重轉為定障。」(X55,p.707,a11-13)

《阿毘達磨大毘婆沙論》卷48：「尊者世友說曰：得可愛境便生貪欲。失可愛境次生瞋恚。失此境已。心便羸弱。次生昏沈。由昏沈故心便憤悶。次生睡眠。從彼覺已。次生掉舉。既掉舉已。次生惡作。從惡作後。復引生疑。由此五蓋次第如是。」(T27,p.250,c19-24)